

I MOSAICS, PATRIMONI DAL FRIÛL

Vêso mai viodût un mosaic, chê composizion artistiche che e je fate di tocuts di materiâl – lis tessaris – di divierse nature e colôr, tant che pierutis, veris, capis?





Po ben, chenti o vin un dai plui impuartants esemplis di cheste tecniche antighe: la basiliche di Aquilee, indulà si pues preseâ une raprezentazion de storie dal Cristianisim plene di simbui inmagants. Cualchi timp za fa Claudio Moretti e i atôrs


dal "Teatro Incerto" a àn scrit un spetacul par furlan - "I mosaiciscj" -, indulà che si contin lis vicendis di Macôr, un mosaicist che al ven clamât di un vescul par creâ il pavime de basiliche di Aquilee: il puar Macôr al varà dome un gnot par realizâ che opare grandonone e al rivarà cun doi aiutants no propit di chest mont... No us conti di plui, che se no si sfante la sorprese! Ma il mosaic nol è dome une tecniche antighe. La "Scuele mosaiciscj dal Friûl". Nassude tal 1922, e je vuê la plui impuartante a nivel mondiâl e ogni an e da acet a cincuant students che a rivin di dut il mont. Par cerçâ il gust di diventâ mosaiciscj ve ca un experiment cuntun materiâl che o cjatais facilmenti dapardut: i claps.

IL MOSAIC DI CLAPS

1. Met adun une vore di claputs, se pussibil di tancj colôrs; une taulute di len compensât; une cole tachedut.
2. Dissegne su la breute di compensât un nemâl, une rose, un zuiatul o une robe di tô fantasie. Cumò jempe cun pazience i spazis cui claputs, tignint di cont lis sfumaduris di colôr: incoliju un par volte cul tachedut.
3. Atenzion: met une gote di cole par volte su la taulute, poie il clap e daspò cjalce planc par fâlu tacâ ben.
4. Cuant che tu âs finît il lavôr, se tu vuelis tu podarâs passâ sul mosaic une man di vernis trasparente.



Rispuint come Proust



Non Giacomo

Etât

12

Dulà sêstu a stâ

Udin

Ce ti plasial de tô citât/dal to pais

il cjistiel

Ce no ti plasial de tô citât/dal to pais

i miei vicins che a sberlin

Miôr amî o amie

Giovanni

Il to difiet

Testardo

Il difiet dai tiei gjenitôrs

Testards

La ultime volte che tu âs vaiût

10 dîs indaûr

Lis vacancis plui divertentis

A Milan

Il colôr che ti plâs di plui

narangon

Il nemâl che ti plâs di plui

Ponda

Ce robe ti avilissie

La Scuele

Ce no ti plasial fâ

il compit

Ce ti fasial pôre

il cjan di mâr

Ce volaressistu fâ di grande/grant

Il zuiadôr di balon

Il libri o film che ti à plasût di plui

Titanic

I nons che ti plasin di plui

Alessio

Robe di bevi preferide

Coca Cola

Robe di mangjâ che ti plâs di plui

hamburger - panzete

Personaç preferît/preferide

Stewie Griffin

Il to pipinot

Teddy

Par partecipâ ae rubriche lis domandis a van discjamadis dal sit www.arlef.it, compiladis a man e inviadis insiem cuntune foto e la liberatorie firmade dai gjenitôrs a: arlef@regione.fvg.it
I fruts che a parteciparan a podaran ritirà in ARLEF une copie dal dvd cui cartons de "La Pimpa par furlan"



LA FILASTROCJE

**CJÂF, ORELIS,
PÏTS, ZENOI**



Cjâf
orelis
pÏts
zenoi...
nâs
bocjute
spalis e ...
voi!

CE ISAL?



Grandon il pari,
spinose la mari,
nerute la fie
tal cos e va vie.

UNE RIDUÇADE...

Un cjaval al va al cine e al domande un biliet par jentrâ. La cassiere dute spauride: "Orpo, un cjaval che al fevele!"
E il cjaval: "Trancuile: dentri o tâs!"

AHHH! LA RISPUESTE DAL NUMAR STÂT

LIS REDIS DAL CJAR

Messede ben fin e fâs une bale. Involuce la bale intun peçot net e lassile polsâ almancul par mieze ore tal frigo. Intant che tu spietis prepare il rest par jemplâl.



Vierç lis coculis e rompilis a tocuts: atenzion ai dêts cul crichecocalis! Spele i piruçs e taiju a fetutis. Met la spongje intune fersorie e fasile disfâ. Zonte i piruçs, il struc dal limon, lis coculis, il pan gratât, la canele e 100g di zucar. Fâs cuei par 5 minûts e po lasse che si sfredi. Intun cjadin sbat ben l'ûf cui 50g di zucar che a restin. Al à di diventâ blanc e fâ lis bufulis. Zonte la scuete e messede fin cuant che e devente une creme morbide. Cumò "montin" la torte. Su la taule, juditi cul mescul, e tire la paste. Metile te tortiere e cuntun piron sbusile ca e là. Met dentri i piruçs e lis coculis, ma atenzion a àn di jessi frêts. Cuvierç dut cu la creme di scuete. Met tal for za cjalt a 180° par uns 40' fin cuant che e varà cjapât colôr. Lasse che si sfredi un tic prime di taiâ une fete



PIRON È SEDON



**Torte Di Piruçs,
Cocalis e scuete.**

Ce che al Covente Pe Paste:

- 200 gr di farine di flôr
- 100 gr di zucar
- 100 gr di spongje mole
- 1 ûf
- 1 ros di ûf
- 1 prese di sâl

Ce che al Covente Par jemplâl:

- 4 piruçs
- 150 gr di zucar
- 100 gr di coculis
- 250 gr di scuete frescje
- 15 gr di spongje
- 4 sedons di pan gratât
- 1 ûf
- 1 sedonute di canele in polvar
- il struc di un limon

Par prime robe prepare le paste scomençant cu la fontane di farine. Messede la farine cul zucar e metile su la taule come se e fos une mont. Fâs un bûs tal mieç e dentri met l'ûf intîr e il ros, la spongje e il sâl.

CIRIBIRIBIN e je la pagjine di plante fûr in lenghe furlane che e fassarà compagnie ai letôrs plui zovins fintremâi ae fin dal an scolastic. E je un progjet de ARLEF, Agjenzie regionâl pe lenghe furlane, par stiçâ ae letture e ae scriture in lenghe furlane. La redazion e sarâ a vuestre disposizion se o vês scrit une conte, un articul, une filastrocje, bessôi o dutun cu la vuestre classe. La direzion e je arlef@regione.fvg.it.

La redazion si riserve di tamesâ i tescj pe publicazion eventual.

Ideazion e coordenament di Elisabetta Pozzetto
Piron e Sedon par cure di Federica Angeli
Fumuts di Giovanni di Lena
Pe Filastrocje e Ce isal? a àn colaborât Christian Romanini e Adriano Del Fabro

